

東洲草堂文鈔

誥授中憲大夫翰林院編修

貤封資政大夫道州何君墓誌銘

熊少牧

君道州何氏諱紹基字子貞晚自號煖窆前戶部尚書文安公  
長子母廖太夫人幼慧靜孺染家學試輒冠其偶道光辛卯以  
優行貢 成均乙未舉鄉試第一聯捷成進士改庶常散館授  
編修充 武英殿 國史館協修纂修總纂 國史館提調已  
亥癸卯丁未 大考俱  
賜文綺歷典福建貴州廣東鄉試得士稱盛君學於經史說文  
攷訂尤研審旁及金石圖刻律算實事求是識解精超文宗先  
正義法書根篆分通會大小率更顏魯公北海東坡諸大家自  
成一體性夷白與人無町畦見不善必面斥改復如初故人咸  
親其和而憚其峻咸豐壬子以侍郎張文毅公保舉

特旨放四川學政

顯皇帝召對詢家世外備及學業時務畧移六刻始出蓋已隱邀

簡在矣抵蜀任士心翕感文教蔚興按部至南江縣鄭懷江冤獄河東土司安安氏安平康母子爭襲各案皆據所聞見入告欽使至均如所議平反讞結又奉

殊諭訪察地方一切情形具奏君感

知遇直言無隱權貴側目謗讟熾騰卒以條陳時事望議鵠秩時黃齋臣制府樂彥亭將軍及士民殷拳挽轡而君喜釋重荷絕意仕進角巾筇杖縱探峨眉瓦屋諸峰飲酒賦詩匝月忘返旋去蜀主山左灤源長沙城南書院有年薄游吳越諸當事聘主揚州書局校定十三經注疏兼主孝廉堂講席士以得游其

門相誇耀遇佳山水徜徉自適同治十三年秋寓蘇州寢疾遂不起實七月二十日享壽七十有五生平誠厚端飭深識古今成敗得失慷慨敢爲充提調時擬遵

純廟諭旨纂辦三品以下各臣列傳條例已具政府執不允所請夫表潛閭幽之盛舉曠不修者將百年一旦仔之有人迺阻於勢之所不得揣識者爲是舉惜又以謂君之辭提調爲非激也西蜀距京師五千餘里吏疵民患得敢言者隨時入告利病自昭況輶軒有采風之職舉其職而忌者卽多方擠之俾不復振豈吾孟子所云行止非人所能爲固天耶君自是勇於游放於酒毋亦其中有未慊者耶所撰東洲艸堂詩集已槩行古文雜簪待梓求書翰者所至絹素山積東西洋諸屬國珍隻字若拱璧焉官學政時迭捐軍餉

賞六品頂戴隨帶加六級以編修

誥授中憲大夫後以季弟紹京候選道

馳封資政大夫配陶夫人先卒一子慶涵舉人刑部郎中側室  
王氏王氏陳氏女四長次四殤三適仁和編修吳觀禮孫七維  
樸副貢生內閣中書維樞庠生維棟舉人維縈維標維幹維植  
女孫二長殤次幼其孤慶涵卽於是年扶櫬歸里卜吉善化縣  
八都石人衝內苦竹坡之原巽首乾趾葬有日涕泣具狀求余  
銘其藏少牧與君辛卯乙未兩次同年生受業文安公門下友  
諸昆如同氣君恆以植品篤學交勉暇則觴詠極歡未幾各以  
事散去或累歲不得合併迨君罷歸見之余齒髦衰君髮亦禿  
且白矣因相約優游里社續耆英眞率之會而君乃遽止於是  
也悲夫不忍銘君然銘君孰於余宜其辭曰

恭慎自將肝膽呈厥緒未竟屯其亨輦藏幽篁昌嗣英吾銘信  
後貽完名

東洲艸堂文鈔目錄

道州 何紹基 子貞

卷一 使蜀奏稿

授四川學政謝摺

擬請鑄用大錢摺

恭報到任日期摺

恭報歲試成都省垣情形摺

附片

捐輸軍饟奉

旨從優議敘謝摺

請

旨飭查川省捐輸廣額名數暨辦理土匪事涉兩歧并參將擅  
造關防需索騷擾摺

擬請推廣捐輸并自行續捐摺

續捐軍餉奉

旨賞給六品頂戴并隨帶加三級謝摺

卷二 使蜀奏稿

請

旨交議整頓考試力除弊竇摺

請

旨更正灌縣二郎神廟祀典摺

請

旨飭裁陋規摺

恭報通省歲試及歲科並試等處完竣情形摺

請



旨飭行速辨土司爭襲案摺

敬陳地方情形摺

卷三 敘

武陵陳氏族譜敘

大人命代作

魯服齋制藝敘

大人命代作

宋元學案敘

大人命代作

送儀徵阮宮太保相國師

子告歸里敘

湯海秋詩集敘

沈雪友讀經心解敘

甘石安金石題詠彙編敘

鄭雲麓觀察文集敘

瞿吾山詩敘

大人命代作

王筍堂詩敘

望九子嶺詩敘

恭擬增修一統志

御敘

僧六舟金石書畫編年錄敘

濂溪周氏族譜敘

善化張氏族譜敘

符南樵寄鷗館詩集敘

舒自庵觀察遺集敘

宗迪甫躬恥齋詩集敘

孝友堂張氏世澤錄賢書錄敘爲張升谷作

古音類表敘爲傅青餘作

陳松心撼山艸堂詩集敘

使黔艸自敘

去蜀入秦紀事詩敘

卷四 記

道州重修學宮記

大人命代作

龍泉寺檢書圖記

重修湘西萬福橋記

代沈小驥作

夢地記

湯母楊太淑人吟釵圖記

邨谷論心圖記

養閒艸堂記爲潘玉泉作

絜園記爲丁雨生觀察作

記鄧完伯先生遺事

修竹堂記

石門李氏重建家廟記

重摹

御書岳祠扁額記

道南書院碑記

卷五 雜箸

書陳醒齋老人遺書後

湯孝子棄稿書後

二十八科進士履歷便覽書後

書莊子後

重摹宋元學案書後

善化黃氏藏先文安公墨蹟書後

書朱誦清冷泉秋話圖後

書鄧完伯先生印冊後爲守之作

先文安公與屠可如丈手札冊書後

李次青輯

國朝先正事略書後

安仁歐陽氏增建家廟寢堂記書後

書陸劭聞金石續編後爲子受觀察作

皇后服制考

祁黃羊大夫字說

鐘鼎古文說答王蔭芝

與楊季子書

題吳姓舫少宗伯師龍湫觀瀑圖

題吳子厚世丈龍湫觀瀑圖

張度西先生像贊

黃香鐵學博五十歲像贊

題馮魯川小像冊論詩十五則

與汪菊士論詩十九則

四川學政到任通行告示

推廣捐輸告示

### 卷六 題跋

跋阮相國藏齊侯壺文拓本

阮相國藏齊侯壺文壘字攷二則

跋積古齋藏王復齋款識摹本

秦公弔鐘文攷爲程蘭川作

跋秦公望鐘文拓本

跋秦公珩鐘文拓本

跋秦公慤鐘文拓本爲吳平齋作

跋師酉敦拓本

跋邾季敦拓本

跋卯敦拓本

跋叔舛簋拓本

跋子祝禽鼎拓本

跋追敦拓本

跋張仲簋拓本

跋戲雷彝拓本

跋商鉅末拓本

程木庵藏竟甯銅鴈足鐙攷寄六舟上人  
題竟甯銅鴈足鐙款識拓本爲潘玉泉作

卷七 題跋

校定阮氏積古齋款識釋文 一百五十四則

卷八 題跋

跋吳平齋藏石鼓文舊拓本

跋吳平齋藏石鼓文宋拓本

跋吳平齋藏秦泰山二十九字拓本

跋楊龍石藏地節二年楊氏買山券拓本

敦煌太守裴岑紀功碑攷

跋石門頌拓本



跋崇樸山藏華山碑四明本

跋黃小松舊藏衡方碑拓本

又跋衡方碑拓本

跋史晨饗孔廟後碑宋拓本

跋潘校官碑拓本

跋陸次山藏潘校官碑拓本

跋曹景完碑陰拓本

跋漢司徒殘碑拓本

記江氏劉熊碑雙鉤本

跋園令趙君碑舊拓本

跋天發神識碑拓本

跋羅蘇谿藏晉孫夫人碑舊拓本

卷九 題跋

跋樂毅論海字不全舊拓本

跋汪孟慈藏定武蘭亭舊拓本

跋國學蘭亭舊拓本 三則

跋宋刻蘭亭拓本

跋褚臨蘭亭拓本 三則

跋舊拓肥本黃庭經 九則

跋玉版洛神賦十三行拓本 五則

跋牛雪樵丈藏宋刻十七帖

跋宋刻十七帖 二則

跋魏張黑女墓誌拓本 六則

題楊龍石藏瘞鶴銘水拓舊本 二則

題李仲雲藏瘞鶴銘舊拓全幅

跋智永千文拓本

跋牛雪樵丈藏智永千文宋拓本

跋崇雨舸藏智永千文舊拓本

卷十 題跋

跋張星伯藏皇甫君碑宋拓本

跋汪鑑齋藏虞恭公溫公碑舊拓本

跋祁叔和藏宋翻宋拓化度寺碑二則

跋道因碑舊拓本

跋張星伯藏道因碑宋拓本

跋道因碑拓本

跋周允臣藏關中城武廟堂碑拓本

跋景龍觀鐘銘拓本

跋麓山寺碑并碑陰舊拓本

三則

跋吳平齋藏麓山寺碑宋拓本

跋李北海端州石室記拓本

跋李北海盧正道碑舊拓本

跋重刻李北海書法華寺碑

跋摹刻李北海李思訓碑拓本

跋陸次山藏寶際寺碑舊拓本

跋大字麻姑山仙壇記宋拓本

二則

跋小字麻姑山仙壇記舊拓本

八則

跋晏雲唐大字麻姑山仙壇記雙鉤本

跋黃瀛石大字麻姑山仙壇記摹刻本

跋吳平齋藏爭坐位帖宋拓本

跋魏氏重刻爭坐位帖

跋胡扶山藏魯公帖

跋魯公帖六種合裝本

跋張從申書李元靖碑舊拓本

二則

跋梅蘊生藏唐誌石拓本

跋後唐潁州開元寺鐘銘拓本

跋陳雪峰井天齋井銘拓本

跋丁儉卿藏嘉祐二體石經拓本

跋蘇書大字金剛經拓本

跋蘇書馬券帖拓本

跋鄭氏世允藏蜀石經左傳拓本

跋楊海琴藏陸放翁詩境二字拓本

跋陸放翁瘞鶴銘後題名拓本

跋吳子苾藏宋拓臨江帖王大令書卷

跋張洵山藏賈秋壑刻閣帖初拓本

跋文氏停雲館刻晉唐小楷

二則

記安氏刻孫過庭書譜後

跋賈芸樵藏文氏刻孫過庭書譜

卷十一 題跋

跋吳子苾藏唐人書第四分律藏卷

跋牛雪樵丈藏米書蜀素卷

跋僧六舟藏米書老人星賦墨蹟

跋米襄陽書詩墨蹟

跋黃山谷書冊

跋吳平齋藏魏文靖墨蹟卷

跋僧六舟藏宋人寫經冊

跋張洵甫藏張樗寮書妙法蓮華經墨蹟卷

跋陳敘齋藏趙文敏書千文

跋趙文敏書參同契卷

跋朱後漚藏趙文敏書天冠山詩卷

跋李季雲藏虞文靖書訓忠碑記墨蹟

跋徐壽蘅藏董香光臨懷素自敘卷

跋徐壽蘅藏董香光書卷

跋陳子鶴藏董香光書詩幅

跋羅六湖藏倪雲林詩冊

跋閩縣丁氏斌藏黃忠端公榕壇問業手藁冊

跋長樂梁氏藏黃忠端公與柘田喬公手札冊

跋長樂梁氏藏黃忠端公手札冊

跋李仲雲藏黃忠端公手札冊

再跋黃忠端公與喬柘田手札冊

跋楊忠烈公尺牘家書卷

跋吳平齋藏章拙生墨蹟冊

跋蔡嶺香藏張力臣與顧亭林十一札卷

跋梁敬叔藏湯文正公與徐俟齋札冊

跋王漁洋手書詩藁冊

跋李竹朋藏傅青主哭子詩卷

跋崇雨舫藏張文敏公咨底奏稿劄記手書冊



跋翁藥房藏曹劍亭書金剛經冊

跋劉文清公書小卷

跋梁敬叔藏劉文清公小字冊

跋寶蘭泉藏錢南園先生手札卷

跋汪孟慈藏汪容甫先生手書卷

跋鄧木齋先生書冊爲守之作

跋張宛鄰先生臨書譜爲仲遠作

書舊臨爭坐位帖後

卷十二 題跋

跋李季雲藏宋人九老圖

跋周忠介公畫竹石幅

跋許熙亭藏許顯香先生畫冊

跋朱誦清藏文衡山拙政園圖冊

跋梁敬叔藏董香光昇山卷

跋董香光畫藁冊

二則

跋吳平齋藏顧子怡蘭花卷

跋吳平齋藏徐青藤畫冊

跋朱筱漚藏文衡山墨蘭冊

跋李仲雲藏石天外畫冊

跋謝信齋藏八大山人小鳥圖軸

跋沈栗仲丈藏八大山人山水冊

跋劉寬夫藏苦瓜和尚畫松冊

跋苦瓜和尚畫少陵詩意冊

跋梁敬叔藏吳梅邨畫雕橋莊卷

跋王覺斯蘭竹艸石卷

跋龔半千畫冊

跋吳平齋藏惲南田梅林圖卷

跋吳平齋藏萬年少畫卷

跋徐虹亭楓江漁父圖冊

跋王蓬心先生永州畫冊

跋王蓬心先生仿梅花道人風竹冊

跋王蓬心先生仿宋元人山水粉本卷

跋黃竹廬畫靈巖山館圖

張婉紉女史肄書圖張仲遠屬題

題張仲遠海客琴尊第二圖

跋翁惠農藏王舜耕畫

跋周子堅收子毅弟孳錢南園先生六馬圖軸

卷十三 傳 祭文

王述巖先生傳 大人命代作

喻少瀛明府傳

張受之傳略

李母薛太孺人傳略

元配陶安人傳

祭周門姑母文 大人命代作

祭正五從兄文 大人命代作

祭李燮亭太翁文 大人命代作

公祭呂仲英年丈文

清明祭太高祖享水公文

重修清明堂上梁祭文

重修家神堂上梁祭文

先考文安公家奠文

先考文安公祔廟祭文

先妣廖夫人祔廟祭文

代表弟廖斐秀撰贈焚黃告文

仲弟子毅哀辭

卷十四 壽敘

聶母袁孺人七十壽敘

張君丕承八十壽敘 夫人命代作

廖君密之七十壽敘 夫人命代作

周濂昭姑丈六十壽敘

孔母徐太孺人六十壽敘

蒲城王相國師七十壽敘

宗母王太安人七十壽敘

夫人命代作

陳母口太恭人壽敘

吳縣潘宮太保相國師七十壽敘

許吉齋先生五十壽敘

王母馬太宜人壽敘

少宗伯杜石樵太年丈八十壽敘

王母黃太安人七旬晉五壽敘

卷十五 壽敘

林母謝太恭人七十壽敘

趙蘭友觀察丈七十壽敘

呂母姚太恭人六十壽敘

吳姓舫少宗伯師五十壽敘

方母葉太安人七十壽敘

徐笏亭先生暨配羅太夫人八十雙壽敘

趙步宗先生暨配曲太夫人七十有一雙壽詩敘

陳弼夫都轉五十初度詩敘

徐柳臣廉訪七十壽詩敘

丁母口太夫人九十壽詩敘

家母廖夫人七十生辰徵詩文事略

家母廖夫人八十生辰徵詩文事略

陳母楊太恭人節孝贊

并敘

卷十六

碑誌

穿洲鼎堂文鈔目錄

黔陽縣教諭陳文亭先生墓表 夫人命代作

道州廩生周君雪案墓表 夫人命代作

許氏玉照山新阡表

湘鄉蔣氏先墓表

福建興泉永兵備道熊君墓表

贈資政大夫王公墓表

江南河道總督張公墓誌銘 夫人命代作

兵部左侍郎史公墓誌銘 夫人命代作

羅君笑山墓誌銘

趙君元配鄧宜人墓誌銘

蔣母易夫人墓誌銘

卷十七 碑誌



贈奉直大夫王君墓誌銘代

靈石楊君兄弟墓誌銘

何母上官恭人墓誌銘

彭母黃太恭人墓誌銘

封朝議大夫吳君晉齋墓誌銘

師君席聘墓誌銘

贈光祿大夫劉公神道碑銘并敘

封資政大夫吳公墓誌銘

卷十八 碑誌 行略

署乍浦同知浙江候補運判周君芋生墓誌

先考文安公墓表

先考文安公墓誌

先妣廖夫人墓表

先妣廖夫人墓誌

仲弟子毅墓表

仲弟子毅墓誌

陳恭人行略

卷十九 賦

張侍郎宅看牡丹花賦

闕題

酸臧賦并敘

擬荀卿蠶賦

擬魏丁儀勵志賦

紙賦

馬射賦

冊封琉球賦

并敘

經筵賦

藉田賦

祕院藏書賦

桐葉知閨賦

瑯玕香稻賦

江心鏡賦

水畫賦

春舟賦

秋河賦

新柳賦

卷二十 賦

百步窈楊葉賦

守口如瓶賦

聖人以四時爲柄賦

風不鳴條賦

房謀杜斷賦

三十輻共一轂賦

麥氣迎秋賦

德車結旌賦

首夏猶清和賦

夫子之牆賦

歸奇於扐以象閏賦

同律度量衡賦

筆花賦

知魚之樂賦

夏山如滴賦

富貴如浮雲賦

十八學士登瀛洲賦

金在鎔賦

刻桐爲魚扣石鼓賦

雨絲煙柳欲清明賦

應天以實不以文賦

如石投水賦

東洲艸堂文鈔目錄終

東洲艸堂文鈔卷一

道州 何紹基 子貞

使蜀奏藁

授四川學政謝摺

奏爲恭謝

天恩仰祈

聖鑒事本月初六日內閣奉

上諭四川學政著何紹基去欽此竊臣湘楚菲材詞垣末秩傳

經世業深慚負荷於楹書通籍

先朝屢效馳驅於使節幸獲就瞻

雲日

溫語垂詢遽蒙

簡界輔軒名區視學

榮施逾格感惕靡涯伏念巴蜀多才人士得江山之氣學臣重職鑑衡兼教育之司自顧疏庸詎堪勝任惟有籲求

聖訓敬謹服膺庶幾矢勤矢慎冀文章器識之彌醇治己治人合勵士禔躬而交勉稍竭涓埃於驚鈍仰酬

高厚之生成所有

微臣

感激下忱謹繕摺恭謝

天恩伏祈

皇上聖鑒謹

奏咸豐二年八月初九日奏

擬請鑄用大錢摺

奏爲擬請鑄用大錢以復古救時仰祈

聖鑒事竊惟自古有銀不以充惟正之供也以銀輸賦始於明



季害農功而利逐末便居積而長奢淫爲患於人心風俗甚鉅然而民生所便卽宮府所宜至於我

朝沿襲者復二百餘年矣以天下之財養天下之人出納有經何虞短缺無如西北邊餉歲數百萬東南出洋歲逾千萬斯二者皆往而不返者也積世累年勢難爲繼夫易窮則變變則通銀之爲用至今日可謂窮矣尙不思變通可乎欽惟我

皇上嗣服以來崇儒典學克己愛民國計盈虛日廛

宵旰卽使銀數方贏尙宜反經以復古況值銀數日絀尤當變法以救時顧救時之法仍不外乎復古溯自刀幣之興代不相襲然皆用銅而不用金銀此聖帝明王所貽不可易之良法也唐以後諸幣俱廢行用者惟通寶錢民之所輸有粟有絹有布而流通以錢然所業非所徵粟與絹布皆見絀於錢謀國者已

重傷之至明季用銀耕織所出皆由錢以化銀而錢又見絀於銀民輸官賦粟尚有之絹布漸不知爲何物而民於是乎重困循至銀價日昂錢價日賤數石之穀易銀一兩

國家又止收銀而不收錢上下轉移而官民於是乎交困今必欲得一物以易銀有其用而無其弊惟有大錢而已矣歷代大錢之制不一大約由當五當十至當千而止擬請於常行通寶錢外鑄爲大錢三品曰當一百曰當五百曰當一千當千者重不過二兩俾與制錢相劑而行由部臣議定成式務期精好頒發中外一體鼓鑄凡支給俸薪養廉及河工兵餉皆銀與大小錢兼放賦稅所入當收銀者皆准以銀與大小錢搭配交納應歸藩庫部庫者酌爲減節以免先解後撥之煩惟關稅仍照舊盡數收銀而

特恩錫賚則給銀以示優異俟大錢暢行之後民輸官賦乃漸不必用銀然非置銀於無用也民間以銀易錢及用銀交易聽其自如無庸過問銀本與金爲類既有大錢銀價且不妨增貴蓋君民者爲民理財非務自封殖也但得百貨流通卽爲天下留此有餘不盡之銀未嘗非藏富於民之義惟添鑄大錢議者必以銅斤缺乏爲疑不知銅斤固未嘗缺也臣自幼隨任居京迄今四十餘年尋常器物昔用鐵者今多易而用銅京師如此外省隨之用銅之濫至斯已極鍾官歲鑄原以便民而放無收本非政體資糧詢盜適濟奸商銅器彌造而彌精斯官錢日鑄而日少順治康熙雍正時青銅錢及乾隆初年肉好周正之錢昔所常逢今消磨漸罄矣蓋制錢一千約重七斤以千錢購銅器才可二三斤耳得利過倍何所憚而不爲乎若官收制錢則

民知制錢之可貴官用大錢則民得制錢之運行再嚴銅器之禁廣收銅之法銅有不足者乎銅足而錢有不足者乎國語單穆公之言曰民患輕則爲之作重幣以行之於是乎有母權子而行民皆得焉若不堪重則多作輕而行之亦不廢重於是乎有子權母而行小大利之所謂輕重卽小大也蓋大錢與小錢同類而相爲子母者也故母能顧其子子能養其母其道可以相全銀之與錢非同類而相爲子母者也故母不能顧其子子不能養其母其勢不能以相救夫用銀之法十千之需不盈一握百萬之富僅可盈箱豈不誠簡且易哉詎知簡易之術國家恃之奸商富民貪吏尤恃之低昂靡定眞僞混淆眩曜難防漏卮不塞其爲隱患何可勝言用錢之法似太煩重杜弊實多居積者不便多藏貪淫者易知省嗇民重農穀吏易清廉減

嗜欲之原培敦龐之化不惟民生國計賴可挽回於人心風俗裨益亦實爲不少臣出都時廷臣方奉

旨議籌帑各條及鈔法可行與否臣愚竊以爲鈔若可行正與大錢相爲表裏籌帑雖多方恐其止濟目前非關久計也伏願皇上宸衷默運除數百年之蠹而爲萬世之謀若司計者仍斷焉以銀爲命思所以補苴而幹旋之則歸於無術而已矣臣以詞垣末秩叨荷

特恩俾視蜀學寤寐時艱不勝其區區之誠遂次就管見所及擬就此稿鑄用之法不及致詳茲行抵西安始獲繕摺謹借用陝西布政使司印鈐封入

奏芻蕘之言是否有當伏祈

皇上聖鑒謹

奏咸豐二年十月十九日陝西西安省城奏

十一月二十八日奉到

硃批所奏不爲無見然小錢大錢制雖異用實同現鑄小錢銅  
尙不足何況大錢乎汝知一未知二也至器用多銅原干例禁  
本年曾經降旨況古制亦非盡善舉一事必欲復古試問井田  
封建尙可復乎此摺著戶部存記若有可行時不妨採擇入奏  
欽此

恭報到任日期摺

奏爲恭報

微臣

到任日期仰祈

聖鑒事竊臣恭承

恩命視學西川

召對之時於經史詩文之業身心性命之書

寵錫垂詢

曲加訓誨跪聆之下感悚服膺茲於十一月二十日馳抵成都  
省城二十二日准前任學政臣支清彥委成都府學教授徐煌  
訓導傅泰煊齎送四川學政關防竝文冊書籍等件到臣臣恭  
設香案望闕謝

闕謝

恩祇領視事伏念臣學殖疏庸膺斯重任惟有恭繹

訓言嚴防弊竇務拔真才期仰酬

高厚鴻慈於萬一所有微臣到任日期除恭疏

題報外理合繕摺奏

聞再臣所過直隸山西陝西地方及四川境內農田均屬有秋  
民情安謐堪慰

聖懷合併附陳伏祈

皇上聖鑒謹

奏咸豐二年十一月二十四日奏咸豐三年正月十八日奉到硃批知道了地方一切情形隨時訪察具奏

恭報歲試成都省垣情形摺

附片

奏爲恭報成都省垣歲試情形仰祈

聖鑒事

竊臣恭承

簡命視學西川自上年十一月二十二日接印後因署中書吏承差兩項人數浮多乃先行局試書吏令擬作告示承差令默寫四書復察看其人明白安靜者各挑出十一二名在署當差餘皆汰除憶上年跪聆

聖訓時諄諄以嚴管書差爲



諭蓋學政衙門弊竇多出於書差防弊之法誠莫先於此也時  
通歲暮發題觀風據各學將觀風卷先後解到臣隨時批閱至  
正月十六日封門考試成都府屬文武生童及八旗駐防之武  
生武童其資州綿州松潘廳理番廳茂州各屬皆在省垣附考  
時閱九旬始獲竣事查成都府及資綿二州文風較好松潘理  
番茂州次之然時文詩賦亦皆略有可觀至稽經攷史性理經  
濟講求有體有用之學者甚屬寥寥臣擇其用功有門徑者優  
加獎勵空疏浮淺者曲爲訓迪考試文童時槍冒之弊頗多密  
查嚴辦言出法隨漸歸整肅考試武童時或一童考數名或兩  
人替一人尙不難設法稽查辨認惟考試之日廩保及武童甫  
出轅門輒被痞匪多人指稱歧考冒籍等弊憑空拉去勒索銀  
錢遂其所欲方行放出以及侮辱教官健訟滋事者層見疊出

臣雖飭提調官嚴拏審辦竝自行提訊究懲辦結多起然積習相沿驟難斷絕由川省武風素盛不肖者遂習爲桀驁地方官多尙慈柔致釀成此種風氣臣於試畢後已與署督臣裕瑞面商飭府縣將未獲痞徒嚴拏究辦冀挽惡習而弭隱憂臣現在清釐案牘約月內卽可出省按試眉州嘉定敘瀘重慶各屬謹將省垣歲試情形先行具

奏至成都入春以來惟三月間略形缺雨時交夏令疊沛甘霖農田可望有秋現聞江南連次報捷川省漸可撤防仍籌辦團練以防土匪民情安謐堪慰宸懷合併附陳伏乞

皇上聖鑒謹

奏咸豐三年四月十八日奏六月十二日奉到

硃批知道了汝能如是認真朕甚嘉悅欽此

附片

再臣於奏報到任摺內奉

硃批知道了地方一切情形隨時訪察具奏欽此仰見我

皇上廑念地方邇言必察之至意惟臣到川日淺又值局試之

期容俟訪有確實利弊敬謹入告固不敢安於緘默亦不敢少

蹈輕率也理合附片陳明伏祈

聖鑒同日奉

硃批是欽此

附輸軍餉奉

旨從優議敘謝摺

奏爲恭謝

天恩事臣於重慶府試院接准戶部咨稱內閣鈔出舊四川總督裕瑞奏川省各官續捐軍餉銀一摺咸豐三年五月十一日奉

上諭四川學政何紹基著交部從優議敘欽此竊臣秉節西川幸備采風之職馳心

北闕竇殷向

日之誠敬維

宵旰勤勞

謀深帷幄伏誦

絲綸愷惻感切軍民爲籌億兆人衽席之安不惜數百萬帑金之費臣輶軒忝竊祿廩虛糜輸將少效乎涓埃

甄敘優霑乎

雨露

樂施下被感悚交縈臣惟有心盟白水持衡酬

特達之

恩卽覘捷奏甘泉珥筆上

太平之頌所有

微臣感激下忱謹繕摺恭謝

天恩伏祈

皇上聖鑒謹

奏咸豐三年七月二十四日奏十一月十一日奉到

硃批知道了欽此

請

旨飭查川省捐輸廣額名數暨辦理土匪事涉兩歧竝參將摺

造關防需索騷擾摺

奏爲請

旨事恭照捐輸軍餉案內因山西陝西四川三省捐數口多奉有加廣文武中額學額

恩旨山陝二省已分別各州縣捐數冊報由戶部核覆四川捐輸係按條糧津貼止有總數未將各州縣分晰冊報然所奉

恩旨已於五月間由總督衙門刊刻謄黃徧行曉諭其某州縣捐數若干應加額幾名迄今已五閱月未見明文揭示致臣等試各屬時生童等多以地方官乾沒捐項爲辭紛紛控訴臣等恐激出事端皆隨時婉爲開導曾具公牘咨詢亦久不見覆且考過之酉陽忠州夔州及現考之綏定俱係歲科並考一日屯膏三年缺望實無以宣

德意而慰輿情似此辦理稽遲設再有借資民力之時尙望其

輸將恐後乎應請

旨飭下督臣裕瑞趕緊核辦咨行又臣按試各屬有以被土匪戕劫控訴者臣皆批交營縣嚴緝懲辦惟沿途接見各州縣知督臣裕瑞於四月間

奏明通飭各屬倘有土匪滋擾一經拏獲訊實立予就地正法其有罪不至死或應斬絞監候者亦由地方官審擬詳結不必解勘原屬從權嚴辦弭患未然旋於六月間又復通飭各屬拏獲匪案必須首夥數在十人以外實係立意打劫法無可貸之犯十有七八者始准照

奏定章程辦理其首夥數在十人以内係起意行竊或因別事起衅臨時始行強劫竝入室搜口之犯每案十止五六人者仍照常解勘以免化捏臣思懲辦盜案止當問其情罪如何不得

以人數多少分別輕重現在川省州縣中精心舉力以除莠安良爲事者本屬寥寥見此前後通飭用寬用猛意涉兩歧消弭游移得所藉口況督臣前奏亦明知地方官解費不貲致多諱飾平尤慮匪黨聞風益滋膽玩尙不如無此一奏猶口養威重也應請

旨飭下督

臣

裕瑞妥籌畫一

章程通飭遵辦再

臣

考試西陽州

時有前任福建參將李萬春奉總督劄諭前來刊用戡定西秀黔彭等處地方總辦團練事務關防行文地方官需索供應傳閱弓兵復集紳民爲籌薪水眾心不服物議紛騰臣思團練之法皆由地方官率領紳民辦理原不必委員專辦且習知州伍雲錦於此事頗屬認真一有改弦定滋掣肘詢問各學教官知李萬春置產西陽挈眷前來圖省盤川求得劄諭名云總辦團



練實係假公濟私敢於擅造關防騷擾地方應請  
旨飭下督臣裕瑞將李萬春撤回治以應得之罪至川省風氣  
雖稱强悍然臣按試生童示以恩威諄諄訓誨亦皆聽受約束  
士習如此民風可知在司牧得人而已是否有當伏祈  
皇上訓示謹

奏咸豐三年十一月初七日奏咸豐四年二月初四日奉到  
硃批另有旨欽此

擬請推廣捐輸並自行續捐摺

奏爲擬請推廣捐輸仰祈

聖鑒事竊臣於十二月初二日在渠縣途次接准

欽命總理巡防事宜奉命大將軍和碩惠親王等劄知遵

旨議覆直隸總督桂良奏軍務未竣從寬籌餉應令大小文武

現任候補官員無論從前已捐未捐一體量力捐輸自數百兩下至數十兩俱准具呈交納由該管上司彙解有銀數較多者仍奏請從優獎勵奉

旨依議欽此轉飭遵照辦理到臣臣思小醜跳梁已當惡貫滿盈之候司農仰屋偶值軍儲缺乏之時官員現廩班行應不恤毀家紓難士庶咸依

覆幬豈遂忘尙義急公查各地方在籍官員舉貢及現在應試文武生童或榮膺式序夙叨養於

天家或

化被烝髦正冀騰驤於雲路前次條糧津貼遽蒙學額優增茲當軍務將竣未免帑需更迫

皇上恐煩民力屢下

詔書軫念感惻顯愚斯人具有天良詎容屏履不供坐觀急難臣自按試以來每以忠孝大端期與生童交勉咸知感悟實易奮興擬卽普勵輸將彌藉恢宣

教育除現任及候補各官量力捐輸外其在籍官員及舉貢生童等俱准其量力捐資由各地方官交納至少由三十兩起多至數百千兩不等或因捐有成數甄厥微勞非蟻涸所敢邀出鴻慈之曲被至一切軍民人等有深知大義再效樂輸者亦均照此辦理雖涓流之力明知難益江河而寸艸有心亦令稍酬雨露至臣意存推廣事屬權宜但期有濟度支不敢少稽時日一面咨商賢臣卽一面專摺馳奏趕緊通諭各府廳州縣及各學遍行勸諭臣謹倡捐銀一千五百兩臣弟舉人候選知州何

紹京捐銀三百兩幕友陝西廩生王昭彭齡各捐銀二百兩副貢生馬燦房增生師皋颺各捐銀一百兩共捐銀二千四百兩卽交藩庫彙收襄校本多秦士尙有同袍同澤之風從公遍勸泮林快符獻馘獻囚之頌區區簞食壺漿逃聽

王師之奏愷永永先疇舊德相忘

帝力以含和所有臣擬請推廣捐輸緣由是否有當伏祈

皇上聖鑒謹

奏咸豐三年十二月初五日奏咸豐四年二月二十七日奉到硃批另有旨欽此

續捐軍餉奉

旨賞給六品頂戴竝隨帶加三級謝摺

奏爲恭謝

天恩事臣前因擬請推廣捐輸竝自行倡捐恭摺具奏茲准戶部咨稱咸豐四年正月十六日內閣奉

上諭何紹基奏捐輸銀兩一摺四川學政何紹基著交部從優議敘餘著戶部速議具奏欽此查該學政何紹基係翰林院編修擬請

賞給六品頂戴竝隨帶加三級等因於正月二十七日具奏奉硃批依議欽此欽遵知照前來竊臣職在衡文心殷敵愾忝屬士林之表率勉勾廉俸以輸將前次薄資芻糗已蒙賜級之優加今番續效涓埃復荷升銜之

寵晉

褒榮疊被感悚逾深臣惟有推廣

皇仁振興士氣庶期泮水從公矢鰲戴而彌殷報效卽慶戎行

奏凱庇

鴻慈而咸樂昇平所有微臣感激下忱謹繕摺恭謝

天恩臣現在考至潼川府所過川北一帶均已渥被甘霖民情

安謐堪慰

宸懷合併附陳伏祈

皇上聖鑒謹

奏咸豐四年三月二十四日奏五月二十二日奉到

硃批知道了欽此